

天玉無疆


我係Freelance殭屍獵人


卷

作者◆王俊喬









「你咁好打，
唔做疆屍獵人就睇晒喇！
帶佢見吓師父先啦。」

「時間嚟到朝頭早嘅兩點半喇，點解要叫呢個時候做朝頭早呢？因為陽氣重啲，噉陣間打入嚟嘅聽眾都講得舒服啲……」

一臉倦容嘅士司機一路聽住收音機，一路摸住佢蒼白嘅鬚根，一條一條噉搵出嚟，等自己冇咁眼瞓。

「師傅，尚德咁唔該。」一個男仔上咗車，佢係呢架車嘅第一個乘客。

司機佢即刻唔再搔鬚，伸隻手出嚟，示意佢畀錢。男仔好識做，擺咗20蚊出嚟畀佢。

呢個男仔睇落得20歲，似係仲讀緊大學，黑色嘅短髮令佢望落去更加年輕。佢着住件鬆身白色短袖 hoodies，雖然唔係好高，但係手臂都有啲肌肉。

男仔一畀完錢，就挨埋窗邊瞓着咗。

「我想講呢……我前晚見到殭屍啊。」電台傳嚟呢句說話。

「係真唔係啊？」司機笑道。

喺呢個時候，有人打開咗車門，係一個睇落50幾歲嘅阿叔。

「翠林！」佢粗聲粗氣，仲要成身酒味，令隔離個男仔唔係好瞓得倒。

「等埋等埋。」又有一個男仔跟咗入嚟。「調景嶺吖。」

呢個男仔睇落有啲MK，留住一頭金毛。

「唔該，可唔可以坐入少少？」金毛同阿叔講，阿叔好明顯唔係好耐煩，逼咗去男仔度，男仔而家更加瞓唔倒。

深夜嘅旺角有種氣氛，令男子好想快啲返屋企，但係佢都講唔出係啲咩。總之，而家要等多兩個人，司機先會開車。

男子合理眼，佢睇倒啲嘢。佢睇倒有個人好急咁衝上的士。

由細到大，男子有時合理眼會睇倒人哋嘅視點，佢每逢考試都會試吓，又真係俾佢睇倒人哋份試卷。但係高中同大學嗰陣，佢啲科目都係要答長問題，所以偷睇嚟都有用。

同理，佢只能夠睇三秒。

佢擘番大隻眼，真係見倒有人上車，係一個30歲左右，靚靚仔仔，着住西裝噉噉男人。

「俾40，開車。」佢未坐低已經擺咗40蚊出嚟。「尚德。」

司機收咗錢之後即刻開車。

深夜兩點三十五分，泥鯁的正式開出。呢一程車，改變晒車上所有人嘅命運。

男子覺得西裝男人有啲奇怪，但係佢唔知係氣場定係點。今次係佢人生第一次睇完人哋視點會咁唔舒服。

佢叫做王柳洋，係一個啱啱畢咗業，做緊Freelancer嘅23歲男子。佢每次嘅旺角收工都會坐泥鯁的，唔祈求坐得有幾舒服，只係希望有咁快得咁快返到屋企。

一架充滿住佬味嘅超速的士，嘍短短兩分鐘已經去到九龍城。

十十

同一時間，嘍九龍城有一架黑色嘅Mesa。



「揸快少少。」女人同司機講。

女人着住全黑嘅恤衫同長褲，戴住頂Cap帽，好似怕俾人認得出嘍。雖然佢着得好低調，但係都難以掩蓋佢所散發出嘅氣質。

黑色嘅打扮令佢雪白嘅肌膚更為突出，亦都令佢誘人嘅身材更加顯眼。

「做咩啊？」坐喺佢隔離嘅係個比佢年輕少少，着住黑色工人褲，戴住黑色芭蕾舞帽，紮住低仔辮嘅少女。同氣質成熟嘅黑衫女人相比，佢無論係外表同身型，都好似細佢五六年嘍，似係一個啱啱讀完中學嘅少女。

「有道好強嘅『氣』嚟緊。」黑衫女人回答，跟住摸一摸車窗，細細聲唸咗句嘢，冇人聽得出佢唸緊啲咩。

Mesla 嘅車速愈嚟愈快，同時王柳洋搭緊嘅泥鯔的嘍 Mesla 後面冇幾遠。

「Sorry 啊。」西裝佬用食指輕輕一掃的士司機條頸，下一秒，司機條頸噴出大量嘅血，彈到成架的士都係。

啲血彈埋去後面位嘅三個人，佢哋即刻大叫，阿叔仲係咁講粗口問候人。但係西裝佬完全無視佢哋，右手繞過司機嘅屍體，控制軚盤。

王柳洋嘅預感應驗咗，西裝佬真係有古怪。

得番四個人同一條屍嘅泥鯔的漸漸追上 Mesla。

「神通，圓字斬。」西裝佬叫道，同時伸出食指同姆指，放喺心口。

王柳洋一聽倒就覺得有唔妥，喺本能反應之下彎低咗腰。金毛見狀，都跟住彎腰。

一道無形嘅氣刃以西裝佬為中心，劃出一個圓形。圓形裏面嘅所有人同物，都被一分為二的。士車頂被鏢開，坐喺中間嘅阿叔上半身同下半身從此分離，金毛因為反應冇王柳洋咁快，後頸畀圓形斬鏢開咗，成個人碌咗落車。

但係氣刃鏢唔開 Mesa，只係有少少衝擊力撞開咗 Mesa。

「Bella，用神通啦。」黑衫女人對工人褲少女講。

名叫 Bella 嘅少女點頭，講咗句：「神通，回車復還。」

轉眼間，Mesa 裏面嘅三人都消失得無影無蹤。

西裝佬感覺倒佢哋消失咗，講咗句粗口，跟住的士直接撞埋去 Mesa 度。

無人駕駛嘅 Mesa 同失控嘅士炒埋一齊，撞咗落燈柱度，王柳洋同西裝佬都彈咗出嚟，飛到馬路邊。

「撞車唔係應該會好痛嘅咩？」王柳洋心諗，但係攤咗喺地下嘅佢只係覺得似係喺樓梯碌咗落嚟咁痛。

十十十

今日係出糧嘅日子，香姐佢返完呢個通宵更，返到屋企瞓醒，就會見倒戶口多返一個零，所以佢特別開心。

喺夜闌人靜嘅市區，只有身為油站員工嘅香姐留意倒頭先呢場車禍。



「用咗好多『氣』……」西裝佬拍拍身上嘅灰塵，望倒有個中年婦人嚟緊。

「你冇事吖嘛？」香姐走過去問。「使唔使幫你call白車啊？」

「唔使喇。」西裝佬答，跟住佢用手緊握住香姐嘅頭頂，掌心喺咁好嘍香姐百會穴嘅位置。

嚇人體頭頂正中央嘅百會穴，係全身氣流嘅交匯點，亦都係吸氣嘅最佳位置。

「你做咩啊？」香姐唔再係開心等出糧嘅心情，而係擔心眼前呢個人會殺咗佢。

香姐嘅擔心係正確嘅，原本已經步入中年嘅皮膚變得愈嚟愈乾燥，甚至係枯竭嘅程度。面無血色，全身僵硬嘅香姐攤咗落地，再冇任何生命跡象。

呢一幕深深咁刻咗喺王柳洋嘅腦入面，佢唔想自己變到好似呢個油站姨姨咁，但係西裝佬嘅視線已經轉移到佢身上。

王柳洋忍住全身嘅痛楚爬起身，準備奔跑。

西裝佬用食指向下一掃，劃咗道氣刃出嚟。垂直嘅氣刃快速接近王柳洋，王柳洋左腳一伸，向右閃開，王柳洋只係感覺倒有強風嘍佢隔離吹過。

眼見王柳洋成功避開佢嘅攻擊，西裝佬只好向後劃出氣刃，瞬間跳到王柳洋身後。

「係咪要繼續逃避落去啊？」王柳洋突然諗起呢句說話。

喺王柳洋仲係讀緊中學嘅時候，佢會為咗同隔離嘅BAND 3男校爭足球場，而日日同佢哋打交。

上到大學，佢亦都有不停練習唔同嘅武術技巧，佢其中最叻就係Tricking。

可能因為嘅，王柳洋有信心可以打贏眼前呢個有超能力嘅西裝佬。

西裝佬準備用氣刃將王柳洋一刀斬開，但係嗰個時候，王柳洋突然剎停，將重心向後，集中所有嘅力量，用右臂批踭落西裝佬心口度。

西裝佬反應不及，王柳洋馬上向後扭腰，揮出左直拳，打落佢心口。
西裝佬被打到彈開，明顯受到重傷。

「有『氣』嘅？你係殭屍獵人？」西裝佬問。

「你講咩啊？」王柳洋成頭問號。

「不過都啱嘅，殭屍獵人啲『氣』唔會咁唔穩定嘅。」西裝佬雙手抱胸，準備再劃出氣刃。「十字斬。」

王柳洋望倒地下一塊長條型嘅玻璃碎片，呢塊玻璃係嚟自Mercedes車窗嘅。佢感覺倒呢塊玻璃有一道好強嘅能量。

王柳洋即刻飛撲埋去，擺起塊玻璃，喺西裝佬劃出十字氣刃嘅同時，王柳洋緊握玻璃，好似撞住匕首咁，刀身緊貼手臂，擋住西裝佬嘅十字斬。

兩道氣刃俾玻璃完美噉擋下，王柳洋只係有少少因為衝擊力而後退。

「塊玻璃俾人注入咗『氣』……係嗰個女人嘅『神通』。」西裝佬心諗。

雙方開始對峙，王柳洋右手反手緊握玻璃，重心放喺右腳，擺出一副隨時準備好格擋嘅架式。而西裝佬就將食指同姆指放喺心口。

「你點解要殺我啊？」王柳洋問道。

西裝佬冇回答，默唸咗一句說話。

「就係呢一下，頭先佢都係咁樣出咗招圓形斬出嚟。只要我趴低就避得開喇。」王柳洋心諗。
「但係唔係嗎……佢可唔可以控制圓形斬嘅高度呢？」

但係時間唔容許王柳洋繼續思考落去，喺佢面前嘅係一個殺人唔眨眼嘅變態佬，只要有些少差錯佢都會冇命。

「神通，月字斬。」西裝佬叫道。

「月字斬……唔係圓形斬？」王柳洋心諗。

一道彎月形嘅氣刃逼近王柳洋，佢馬上向上跳起，跨過道氣刃。

「二連。」

喺王柳洋落地嘅一刻，第二道氣刃剛好嚟到王柳洋眼前，佢只好馬上用玻璃擋下呢招。雖然冇俾佢斬開，但係就成個人彈咗去後面，撞咗埋牆。

王柳洋強忍痛楚，但係因為太痛，所以未有力量企番起身。佢閉起雙眼，祈求會有奇蹟出現。
西裝佬再將兩指放喺心口，準備出招。

同時，王柳洋睇倒啲嘢。

佢睇倒西裝佬嘅視角。

「你係咪傻㗎？我點樣殺佢啊？」講嘢嘅係西裝佬，雖然睇唔倒佢嘅表情，但係佢明顯好激動。
「我哋所有人用晒啲『氣』都破唔倒佢個盾啊。」

「放心，朔鋒，我唔係要你眞係殺佢。」一個睇唔清楚身影嘅男人講。「我只係要你殺多啲平民，逼佢哋出嚟。」

「好啦。」名叫朔鋒嘅西裝佬就噉走咗出去。

王柳洋擘大眼，見倒朔鋒愈行愈近。

十十十

喺油站嘅附近，有幾個着住白色風褸嘅人喺度觀察緊佢哋兩個嘅戰鬥。

「條友有啲料到嗚。」一個身材高大，皮膚黝黑，仲要戴住頭箍嘅長髮男人噉講。佢件風褸嘅雙袖爛到變咗背心，露出嚟嘅肌肉可以睇得出佢好大隻，亦可以睇倒佢兩隻手臂都有貔貅圖案嘅紋身。

「仲望！佢就嚟死喇！」另外一個身材矮小，紮咗條辮嘅女仔講。佢明明只有米五嘅身高，但係就預住個好大嘅行山背囊。

「槍。」一個笠住風褸頂兜帽嘅男人向矮妹伸手，頂帽遮住咗佢五官，只能夠睇倒佢個嘴同下巴。

矮妹打開背囊搵咗一陣，喺入面攞咗一把鎖匙扣大小嘅長方形盒子出嚟。

「神通，尺廣。」矮妹輕聲叫道。下一秒，個盒放大到正常尺寸嘅，變到同個女仔一樣高。

兜帽男人打開個盒，入面係一支狙擊步槍同埋啲配件，佢坐喺地下開始組裝。

一個黑色齊陰長髮嘅女仔冇理到佢啲同伴，直接衝咗上去。因為件白色風褸有啲緊身，所以佢

玲瓏浮突嘅身材有少少若隱若現。

佢喺佢個腰包入面用食指同中指夾張黃色嘅符紙出嚟，講咗一個字：「結。」

一股無形嘅能量由女仔身上面發出嚟，包圍住油站周邊嘅區域。

趴咗喺地下嘅王柳洋同埋逐步逼近嘅朔鋒都感應倒呢股能量。

「係結界？」朔鋒心諗。「啲殭屍獵人咁快嚟到嘅？」

朔鋒衝去王柳洋度，想盡快解決佢，但係齊陰妹再來咗張黃符出嚟，講咗個「緩」字，之後飛咗道符落朔鋒附近。

朔鋒嘅行動明顯慢咗好多，就算佢想點控制身體都好，所有由佢個腦發出嚟嘅指令都延遲咗三秒。

喺朔鋒嘅速度回復正常之際，佢感受倒有力嘅一拳打咗落佢塊面度，係背心大隻佬衝咗上嚟，用右直拳打咗落去，打到朔鋒馬上向後退。但係佢冇因此而放棄，不停用手指向大隻佬劃出氣刃。

大隻佬向左側身，左手放喺腹部，用左臂保護身體，同時右手貼近下巴，擺出拳擊嘅架式。佢用雙臂接住所有氣刃，而且啲氣刃完全鏢唔開佢，佢更加向前逐步逼近。

「你嘅神通係防守型嘅？」朔鋒驚訝噉問。

「你知唔知 Philly Shell 除咗防守之外，仲可以做啲咩啊？」大隻佬反問佢。

Philly Shell 呢種架式唔單止有助於防守，喺職業拳賽入面，呢種架式嘅最大價值係用嚟反擊對手。

「你頭先攻擊我嘅時候用咗幾多『氣』呢？」大隻佬凝望住朔鋒驚恐嘅雙眼。「我將啲『氣』送返晒畀你。」

大隻佬右手揮出直拳落朔鋒塊面度，朔鋒馬上用氣刃擋住塊面，但係呢一個直拳只不過係輕輕掂倒佢嘅假拳嚟。

「神通，反逆為順。」嘅瞬間，佢嘅右手收番嚟下巴度，再駛出一個上勾拳，打中咗朔鋒嘅腹部。呢一下，打到朔鋒飛咗上半空。

嘅大隻佬打飛咗朔鋒嘅呢一刻，兜帽男喺咗好組裝完佢支狙擊槍。

佢紮穩馬步，左手緊握槍管，右手食指輕觸扳機，腋下夾緊槍托，側起頭，望住瞄準鏡。

一開槍，後座力令佢稍為後仰，特製嘅子彈剎那間準備打中朔鋒個頭。嘅半空中嘅朔鋒咬緊牙關，兩指放喺胸前，使出月字斬將子彈斬開。

嘅朔鋒跌返落地嘅呢一刻，大隻佬繼續上前追擊，但係佢冇再用原本嘅Philly Shell架式，而係稍微彎低膝頭，不斷移動腳步嚟避開氣刃。

「佢做咩唔用神通嘅？唔通佢已經用晒『氣』？」朔鋒心諗，跟住佢微微一笑，繼續劃出氣刃。但係氣刃唔再係之前咁長，而係短而快，令大隻佬避得有啲吃力。

矮妹嘅背囊擺咗嚟野出嚟，再衝上前。佢右手揸住嚟野，對住朔鋒往左揮擊。

「神通，尺廣。」嘅佢手中啲嚟野慢慢變大，係一把桃木錘仔，錘仔變得仲大過矮妹，加速嘅錘仔一擊就將朔鋒打埋牆邊。